

REFERAT SAA- Sanarfinermut Avatangiisinullu Ataatsimiititaq d. 15-06-2020

Mødedato Mandag d. 15. juni 2020 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliat Aningaasaqarnermut Inuussutissarsiornermullu Ataatsimiititamut.....	8
Kommunimut pilersaarummut tapiliussatut siunnersuut Nunaannarmut pilersaarut 2-2, Nuup eqqaa	9
Sinerissap qanittuani aalisarneq pillugu immikkoortumut pilersaarutitut siunnersuut.....	14
Kommunimut pilersaarummut tapiliussamut 3C8-1 siunnersuut Qernertunnguit, Nuuk.....	18
Kommunimut pilersaarummut tapiliussaq 1C12-5 Aqutsisoqarfik (Nuuk Center), Nuuk.....	22
Kommunimut pilersaarummut tapiliussaq 1C39-1, Sømandshjemmet, Nuuk.....	26
Nuummi pinnguarterfennik pioreersunik ikkussueqqinneq.....	30
Taasariaqartut allat.....	33
Lukket.....	34
Lukket.....	35
Imaqarniliap akuerineqarnera.....	36

Punkt 0: Saqqaa

Ilaasortat

Justus Hansen (D), siulittaasoq.

Harald Bianco (IA)

Charlotte Piké (IA)

Mala Høy-Kúko (S)

Laura Táunâjik Uitsatikitseq (S)

Beslutning

Oqarasuaatsikkut: Justus Hansen (D), Harald Bianco (IA), Charlotte Pike (IA), Mala Høy Kuku (S) aamma
Laura Taunâjik Uitsatikitseq (S)

Punkt 1: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt 2: Nalunaarutit

2a. siulittaasup nalunaarutai

2b. ingerlatsiviup nalunaarutai

Beslutning

2a. soqanngilaq

2b. soqanngilaq

Punkt 3: Ilisimatitsissutit

Soqanngilaq

Beslutning

Soqanngilaq

Punkt 4: Aalajangiiffisassat

Soqngilaq

Beslutning

Soqanngilaq

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

Punkt 05A: Kommunitut pilersaarummut tapiliussatut siunnersuut Nunaannarmut pilersaarut 2-2, Nuup eqqaani nunataq

Beslutning

Inassuteqaat akuersissutigineqarpoq.

Bilag

Kommunitut pilersaarutaanut tapiliussatut siunnersuut Nunaannarmut pilersaarut 2-2, Nuup eqqaani nunataq

Kommunimut pilersaarummut tapiliussatut siunnersuut Nunaannarmut pilersaarut 2-2, Nuup eqqaani nunataq

Aalajangiiffigisassaq

J.nr.: EMN-2019-01438

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut Nunaannarmut pilersaarut 2-2, Nuup eqqaani nunataq, siunnersuut matumuuna saqqummiunneqarpoq.

Pilersaarutitut siunnersuummi killeqarfiit sumiiffiillu toqqarneqarput, siunissami sunngiffimmi illuaraliorfigineqarsinnaasut, takornarialerisunut tammaarfiorfigineqarsinnaasut, meeqqeriviit allallu illuaraliorfigisinnaasaat. Maannakkut kommunimut pilersaarummut tapiliussatut siunnersuummi, inuilaarsuarmi piffissami aalajangersimasumi atortunik inaaliinissamut, tupeqarfiliornissamut aammalu utaqqiisaasumik oqquiffissaliornissamut periarfissiisoqassaaq.

Pilersaarutitut siunnersuutikkut matumuuna periarfissaatinneqassaaq, inuussutissarsiornermut atatillugu atugassiamik aqqusinniornissaq imaluunniit takornarialerinemik siursaanissamik siunertat pingaernerutillugit ass. ATV-nut assigisaanullu aqqusiortoqarsinnaanera.

Kommunimut pilersaarummut tapiliussatut siunnersuummi matumani immikkoortut ilaat arlallit taaguutaasigut killeqarfiisigulluunniit allangortinneqassapput. Soorlu aamma illuaraqarfioreersuni nutaanik immikkoortulersuisoqassasoq imaluunniit nutaanik illuaraliortoqarnissaa pisariaqalissappat tamanna periarfissaatinneqassasoq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussaq Nunaannarmut pilersaarut 2-2 Nuup eqqaani nunataq akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut Nunaannarmut pilersaarut 2-2, Nuup eqqaani nunataq, siunnersuut matumuuna saqqummiunneqarpoq.

Juuni 2003-mi Nuup eqqaani nunaannarmi illuaraliornissamut pilersaarut pioreersoq akuersissutigineqarpoq, kangerluit nunataanni illuaqqat amerliartuinnarnerat pissutigalugu, taamaninunaminertamik atuinissamik akuersissutit 250-it missaaniippat. Marsi 2020-mi naatsorsorneqarmat kisitsisai allaallutik, aamma illuaqqanik pingasoriaammik amerlanerusunik peqarnissaanut periarfissiisoqarpoq. Ullumikkut pissutsit imaapput, pilersaarut atuuttoq tamakkiisuujunnaarsimalluni.

Pilersaarutitut siunnersuummi killeqarfiit sumiiffillu toqqarneqarput, siunissami sunngiffimmi illuaraliorfigineqarsinnaasut, takornarialerisunut tammaarsimaarfigineqarsinnaasut, meeqqeriviit allallu illuaraliorfigisinnaasaat. Siunnersuummi aamma allaaserineqarpoq nunaannarmi illuliassat assigiinngitsut akuerisaasut qanoq ittueneri. Tammaarsimaarfiit eqqarsaatigalugit pineqartut tassaapput takornialerinerimut atorineqartussat, piffissaq tamaat atugassatut napparneqartut, immaqalu ukiut tamaasa atoqqinneqarsinnaasut. Maannakkut kommunimut pilersaarummut tapiliussatut siunnersuummi, inuilaarsuarmi piffissami aalajangersimasumi atortunik inaaliinissamut, tupeqarfiliornissamut aammalu utaqqiisaasumik oqquiffissaliornissamut periarfissiisoqassaaq.

Sumiiffimmut aalajangersakkani nutaani piffissamut sivisuumut nungusaataangitsumik atorineqarnissaanut pilersaarusiortoqarnissaa qulakkeerneqassaaq, nunaannarmi kulturimik pinngortitamillu kingornussaasut, asiartarfittut pingaartitat aammalu assigiinngitsunik illuaraliorqarnissaanik periarfissat eqqarsaatigineqarniassammata. Kangerluit nunataat assigiinngitsorpasuumik sammisaqarfiusinnaapput, soorlu angallammik angalaarnerit, pisunneq, piniarneq asimilu sammisassat allat. Sumiiffiit sapinngisamik amerlasuunit nuannaarutigineqarnissaat qulakkeerniarlugu, pilersaarummi matumani illuaraliornissamut qaqugumullu atasussamik ikkussugassanut malittarisassaliortoqarpoq.

Pilersaarutitut siunnersuutikkut matumuuna periarfissaatinneqassaaq, inuussutissarsiornermut atatillugu atugassamik aqquinniorneqassaaq imaluunniit takornialerinerimik siuarsaanissamik siunertat pingaarnerutillugit ass. ATV-nut assigisaanullu aqqusiortoqarsinnaanera.

Kommunimut pilersaarummut tapiliussatut siunnersuummi matumani immikkoortut ilaat arlallit taaguutaasigut killeqarfiisigulluunniit allanngortinneqassapput. Soorlu aamma illuaraqarfioreersuni nutaanik immikkoortulersuisoqassasoq imaluunniit nutaanik illuaraliorqarnissaa pisariaqalissappat tamanna periarfissaatinneqassasoq.

Aaqqiissutissatut siunnersuut – suliatigut naliliineq

Kangerluit nunataat assigiinngitsorpasuumik sammisaqarfiusinnaapput, soorlu angallammik angalaarnerit, pisunneq, piniarneq asimilu sammisassat allat attatiinneqassasut ingerlatsiviup nalilerpaa. Sumiiffimmut aalajangersakkani nutaani piffissamut sivisuumut nungusaataangitsumik atorineqarnissaanut pilersaarusiortoqarnissaa qulakkeerneqassaaq, nunaannarmi kulturimik pinngortitamillu kingornussaasut, asiartarfittut pingaartitat aammalu assigiinngitsunik illuaraliorqarnissaanut periarfissat eqqarsaatigineqarniassammata.

Naalagaaffiit Peqatigiit nunarsuaq tamakkerlugu anguniagaat

Kommuneqarfik Sermersuup Naalagaaffiit peqatigiit nunarsuaq tamakkerlugu anguniagai malippai. Taamaattumik Nuup eqqaani nunaannaq, pinngortitamut, kulturikkut kingornussanut aammalu nunami immamilu uumasoqarnera piujuartitsineq tunngavigalugu ineriartortinneqarnissaa qitiutinneqassaaq.



ANGUNIAGAQ 11: Illoqarfiit inuiaqatigiillu attanneqarsinnaasut

11.4 Nunarsuarmiut kulturikkut pinngortitamillu kingornussaannik illersuinerup allanngutsaaliuinerullu ingerlanneqarnerata pitsaanerulernissaa.

> illuaraliorneq, atortullu qaqugumut atasussat pilersinneqassapput, qanganitsat kulturitsinnut tunngassuteqartut pinngortitarlu avatangiiserisaa ataqquilluinnarlugit.

11.a Illoqarfiup, illoqarfiup eqqaata nunaannaallu akornanni aningaasaqarnikkut, inooqataanikkut avatangiisitigullu pitsaasumik ataqatigiinnerit nunami nunallu immikkoortuini ineriartornissamut pilersaarusionerit pitsanngornerisigut tapersersorneqassapput..

> inuilaarsuarmik tikinneqarsinnaasumik paarsilluarneq, illoqarfimmut qanittumiittumik, aningaasat eqqarsaatiginngikkaluarlugit, killilimmillu atortoqarluni.



ANGUNIAGAQ 14: Immami uumasut

14.1 2025 sioqqullugu imaani mingutsitsinerit suulluunniit pinngitsoortinneqarlutillu annertuumik ikilisinneqassapput, pingaartumik nunamik tunngaveqartumik ingerlalanit pissuteqartumik mingutsitsinerit, tassunga ilanngullugit imaani eqqakkat aamma inuussutissanit mingutsitsineq.

> nunaannarmi pinngortitaq avataaniittoq ataqqilluinnarlugu angallattoqassaaq. Eqqakkat anartarfiillu imaat inatsit atuuttoq naapertorlugu suliarineqassapput.



ANGUNIAGAQ 15: NUNAMI UUMASSUSILLIT

15.1 2020 nallertinnagu nunami imermi, pingaartumik orpippassuarni, masarsoqarfinni, qaqqani aammalu panertoqarfinni nunat tamalaat akornanni pisussaaffiliussat naapertorlugit uumassusileqarfinnik piujuaannartitsinissaq, pilersitseqqinnissaq piujuaannartitsinerlu tunngavigalugu atorluannaissaq qularnaassallugu.

> illuaraliorusuttut amerliartoraluartut, tikinneqarsinnaaneralu annertusiartoraluartoq, pinngortitaq assissaqanngitsoq qaqqaqarfiusoq paarilluarneqassaaq Kangerloqarfimmilu uumasut piujuartitsisumik nungusaataanngitsumik atorluarneqassallutik.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitallit

- Pilersaarusionerit aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. decembari 2015-meersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Siunnersuut tamanut tusarniaassutigineqassaaq.

Kommunimut pilersaarummut tapiliussaq una Nunaannarmut pilersaarut 2-2 Nuup eqqaani nunataq akuersissutigineqarneratigut, atorunnaassaaq:

Nunaannarmut pilersaarut nr. 1, Qoornoq

Nunaannarmut pilersaarut nr. 2, Nuup Kommuneani illuaqqat

Nunaannarmut pilersaarut nr. 7, Itinnera

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaatissaqanngilaq

Innuttaasunik peqataatitsineq/attaveqatigiinneq

2019/20-mi ukiuunerani Illoqarfimmik Inerisaanermut Immikkoortorta qarfiup atuisunik akuutitsilerneq aallartippaa, takornarialerisuusinnaasunillu ataatsimeeqateqarnerit ingerlallugit, tassuuna campinut tunngatillugu nutaanik agguataareriaatsip unammillerneqarnissaa pisariaqartitsinerullu ersarissarneqarnissaa eqqarsaatigalugit. Misilittakkat taakku suliffiullu iluani suliamik ilisimasaqarneq ataatsimut tunngavissiipput, tulliuttumi. Siunnersuut tamanut tusarniaassutigineqassaaq. Tusarniaaneq Nuuk Ugeavisikkut kiisalu kommunip tusarniaassutitut nittartagaatigut nalunaarutigineqarput.

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Kommuni pilersaarutaanut tapiliussamut siunnersuut Nunaannarmut pilersaarut 2-2, Nuup eqqaani nunataq

Punkt 05B: Sinerissap qanittuani aalisarneq pillugu immikkoortumut pilersaarutitut siunnersuut

Beslutning

Innersuussut akuersissutigineqarpoq tusarniaanermik piffissaliinerup sapaatip akunnerinit 8-nit 10-nut sivitsorneqarnissaanik oqaaseqaatilerlugu, qulakkeerumallugu najukkami aalisartut piniartullu peqatigiiffiat/nunaqarfimmi siulersuisut/najukkami ataatsimiititaliat/najukkamilu innuttaasut sukumiisumik peqataatinneqarnissaat il.il.

Bilag

Sinerissap qanittuani aalisarneq pillugu immikkoortumut pilersaarutitut siunnersuut

Sinerissap qanittuani aalisarnej pillugu immikkoortumut pilersaarutit siunnersuut

Umiatsiaararsorluni aalisarnermi tunngaviusumik periarfissat

Aalajangiiffigisassaq

J.nr.: EMN-2019-00081

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sinerissap qanittuani aalisarnej pillugu immikkoortumut pilersaarutip siunertaraa, kommunimi umiatsiaararsorluni aalisartut atortutigut atugarisaasa periarfissaasalu qulaajarnejarnissaat, tullinnguullugulu kommunip atortorissaarutaasa periarfissaasalu pitsanngorsarnejarnissaat imaluunniit atorunnaarsikkiartuaartinnissaat. Taamaasilluni immikkoortumut pilersaarut qinikkat suliassaqarfimmut tunngatillugu aalajangernissaannut ineriartortitsinissaannullu sakkussaavoq tunngavissaallunilu.

Immikkoortumut pilersaarut saqqummiunneqarpoq kommunimi illoqarfinni nunaqarfinnilu assigiinngitsuni periarfissarititaasunik misissuisitsineq tunngavigalugu. Tamanna maannakkut pissutsinik tamakkiisumik takussutissiivoq. Suliap ingerlanerani matumani soqutigisaqartut najukkani piniartut peqatigiiffiinik ataatsimeeqateqartarput, soqutigisaqartullumi aamma kissaatigisanik assigiinngitsunik pingaarnersiuiinermi peqataatinnearput. Tamanna pereermat kommunip sanaartugassanut missingersuutaanut ilanngullugit suliarineqassapput.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- sinerissamut qanittumi Aalisarnej pillugu Immikkoortumut pilersaarummut siunnersuut akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sinerissap qanittuani aalisarnej pillugu immikkoortumut pilersaarutip siunertaraa, kommunimi umiatsiaararsorluni aalisartut atortutigut atugarisaasa periarfissaasalu qulaajarnejarnissaat, tullinnguullugulu kommunip atortorissaarutaasa periarfissaasalu pitsanngorsarnejarnissaat imaluunniit atorunnaarsikkiartuaartinnissaat. Taamaasilluni immikkoortumut pilersaarut qinikkat suliassaqarfimmut tunngatillugu aalajangernissaannut ineriartortitsinissaannullu sakkussaavoq tunngavissaallunilu.

Immikkoortumut pilersaarut saqqummiunneqarpoq kommunimi illoqarfinni nunaqarfinnilu assigiinngitsuni periarfissarititaasunik misissuisitsineq tunngavigalugu. Tamanna maannakkut pissutsinik tamakkiisumik takussutissiivoq. Suliap ingerlanerani matumani soqutigisaqartut najukkani piniartut peqatigiiffiinik ataatsimeeqateqartarput, soqutigisaqartullumi aamma

kissaatigisanik assigiinngitsunik pingaarnersiuiNERMI peqataatinneqarput. Tamanna pereermat kommunip sanaartugassanut missingersuutaanut ilanngullugit suliarineqassapput.

Immikkoortumut pilersaarummi nalunaarsuinerit tunngavigalugit naalackersuinnikkut ataqatigiissaarisartoqatigiit suleqatigalugit kommunimi nunap immikkoortuini tamani suliniutissanik pingaarnersiuisoqarsimavoq. Taakkua nunaqarfinni aqutsisut assigiinngitsut immersuineri tunngavigalugit pitsanngorsaatisatut siunnersuutit pingaarnersiorlugit tullerriaarnerinik allattuisimapput.

Taamaasilluni immikkoortumut pilersaarutissatut siunnersuutip imarivai pingaarnertut takorluukkat, pissutsit tunuliaqutaasut aammalu tamakkua qanoq ilillugit ineriartortinneqassanersut pillugit pilersaarut. Taamaasilluni immikkoortumut pilersaarut siunissami anguniagassanut, aningaasaliissuteqarnissanut, ingerlatsinerimut immaqalu piginnittuunermut tunngasunut tunngavissatut atorineqarsinnaavoq.

Nunatsinni umiarsualiveqarnermut tunngasut allanngoriartortinneqarput. Sikuki pillugu, ingerlatseqatigiiffiullu Nuummi nunaminertat atugassani qanoq atorsinnaaneraim pillugit inatsisiliortoqarnikuuvoq.

Aaqqiissutissatut siunnersuut – suliatigut naliliineq

Immikkoortumut pilersaarutissatut siunnersuut sinerissap qanittuani aalisartut maannakkorpiaq atugarisaannik, suliniutillu suut atugarisanik pitsanngorsaannissamut pingaarnersiorneqarsinnaanerinik ersersitsisuuvoq. Aamma pilersaarummi pitsanngorsaatisatut siunnersuutit arlallit qanoq akeqassanersut missiliuusiorneqarnikuuvoq. Taamaasilluni immikkoortumut pilersaarut qinikkat aalajangiinissaannut tunngaviumik sakkussatut atorineqassaaq tulliullugulu

Aningaasatigut sulisoqarnikkullu naliliinerit

Immikkoortumut pilersaarut ingerlatsiviup kommunimut pilersaarutininik ingerlatsinerisa ilagivaat, kontulu taanna annertunerusumik artukkerneqassanngilaq.

Inatsisitigut tunngavissaq allakkallu tunngaviumik uppemarsaatitallit

Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. novembari 2010-meersoq

Umiarsualiviit pillugit Inatsisartut inatsisaat nr. 9, 3. juni 2015-imeersoq

SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaat nr. 17, 3. juni 2015-imeersoq

Imaani avatangiisit illersorneqarnissaat pillugu Inatsisartut inatsisaat nr. 15, 8. juni 2017-imeersoq
Kommunimut pilersaarut digitaliusoq www.sermersooq2028.gl

Ingerlariaqqinnissaq

Siunnersuut tamanut tusarniaassutigineqassaaq, tusarniaanermilu akissuteqaatit pissarsiarineqartut tusarniaaneq naammassereerpat suliarineqassapput.

Aningaasaqarnermut Allatseqarfimmit oqaaseqaatit

Oqaatigineqassaaq Immikkoortumut pilersaarut suliaannik aningaasaliiffigineqartussanik kinguneqarsinnaammat. Erseqqissaatigineqassaaq, maannakkorpiaq missingersuutitigut

suliasaasinnaasunut immikkoortitsisoqarnikuunngimmat, aammalu aningaasaliissuteqartoqassappat politikikkut immikkut isummertoqassammat.

Innuttaasunik peqataatitsineq/attaveqaqatigiinneq

Siunnersuutip suliarineranut atatillugu, aqutsisoqatigiinnik pilersitsisoqarpoq, assigiinngitsunik sulialinnik inuttaqartumik. Tamatuma kingornagut siunnersuut soqutigisallit assigiinngitsut iluanni tusarniaassutigineqarpoq, nunaqarfinni aqutsisut ilanngullugit.

Tamanut tusarniaassutigineqarneranut atatillugu, immikkut iliuuseqartoqassaaq, siunnersuutip pineqartup iluani soqutigisalinnut anngunissaat qulakkeerniarlugu.

Tamanut tusarniaassutigineqarnissaa Nuuk Ugeaviisikkut, Paamiuni Tasiilamilu allagarsiivitsigut, aammalu nunaqarfiit tamaasa allaffiisigut nalunaarutigineqassaaq. Tamakkua saniatigut kommunip nittartagaasigut nalunaarutigineqassaaq.

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Sinerissap qanittuani aalisarneq pillugu Immikkoortumut pilersaarutitut siunnersuut

Punkt 05C: Kommunimut pilersaarummut tapiliussamut 3C8-1 siunnersuut Qernertunnguit, Nuuk

Beslutning

Inassuteqaat akuersissutigineqarpoq.

Bilag

Kommunip pilersaarutaanut tapiliussamut siunnersuut 3C8-1 Qernertunnguit, Nuuk

Kommunimut pilersaarummut tapiliussamut 3C8-1 siunnersuut Qernertunnguit, Nuuk

Aalajangiiffigisassaq

J.nr.: EMN-2020-05442

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3C8-1 Qernertunnguit, Nuuk, siunnersuut matumuuna saqqummiunneqarpoq.

Kommuneqarfik Sermersuup pingaarnertut anguniagaraa, Nuummi illoqarfiup ineriartortinneqarnissaa illoqarfiup pioreersup eqiteriffigineratigut.

Kommunimut pilersaarummut tapiliussami matumani immikkoortup killeqarfia ataatsimullu atorneqarnissaanut siunertarineqartoq attatsiinarneqassaaq, immikkuualuttumik nutaamik avannaata tungaani immikkoortitsisoqassaaq, pisortat inissiaataanik sanaartornissamik immikkut periarfissiisussamik. Immikkoortumi pilersaarfiusumi A-mi nutaanik marlunnik quleriilinnik sanaartortoqarsinnaavoq. Sanaartukkat takisuutut sanileriaatulluunniit sananeqassapput.

Siunissami sanaartorneqartussat sanaartukkanut pioreersunut illuliortaatsimut naleqqussaalluni pissapput.

Sumiiffiup kujataatungaa sanaartorfiusinnaanngilaq, nunallu ilusaa allanngortinneqassanani.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut 3C8-1 Qernertunnguit, Nuuk, akuerineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3C8-1 Qernertunnguit, Nuuk, siunnersuut matumuuna saqqummiunneqarpoq.

Nuuk suli alliarlorlunilu inuttusigaluttuinnarpoq. Taamaammat immikkoortut illoqarfiup qiterpasissuaniittut ullutsinnut naleqquttunik inissiaqarnissaat pisortallu kiffartuussiviinik inissaqartitsinissaq qulakkeerniarlugit ineriartortitsivigineqarnissaat pisariaqarpoq. Kommuneqarfik Sermersuup pingaarnertut anguniagaraa, Nuummi illoqarfiup ineriartortinneqarnissaa illoqarfiup pioreersup eqiteriffigineratigut.

Kommunimut pilersaarummut tapiliussaq akulikitsunik pukkitsunillu inissianik quleriaaanic sanaartornissamut periarfissanik aalajangersaasoqarnissaanik siunertaqartumik suliarineqarpoq.

Immikkoortup ilaa 3C8 pisortat suliffeqarfiinit, kiffartuussiviinut, allaffissornikkut inissiaqarnikkullu ataatsimut siunertanut qitiusutut atorneqassaaq. Kommunimut pilersaarummut tapiliussami matumani immikkoortup killeqarfia ataatsimullu atorneqarnissaanut siunertarineqartoq attatsiinnarneqassaaq, immikkuualuttumik nutaamik avannaata tungaani immikkoortitsisoqassaaq,

pisortat inissiaataanik sanaartornissamik immikkut periarfissiisussamik. Immikkoortumi pilersaarusioniusumi A-mi nutaanik marlunnik quleriilinnik sanaartortoqarsinnaavoq. Sanaartukkat takisuutut sanileriaatulluunniit sananeqassapput.

Siunissami sanaartorneqartussat sanaartukkanut pioreersunut illuliortaatsimut naleqqussaalluni pissapput. Taamaattumik sanaartukkat annertussusiinik illullu saavinik ersarissisitsisunik immikkoortitigaanissaat pingaartuuvoq. Sumiiffimmi sanaartukkat sinnerinut ataqatigiisitsisoqarnera ersarissuuniassammat.

Sumiiffiup kujataatungaa sanaartorfusinnaanngilaq, nunallu ilusaa allanngortinneqassanani. Taamaattorli aqqusineeraliortoqarsinnaallunilu, teknikkikkut atortulersuutinik annikinnerusunik pilersuinermilu aqqutilersuutinik kiisalu sukisaarsaarfiusinnaasunik nunaminertamik atugassiisoqarsinnaavoq, sanaartorfioqqusaanngitsutut inissillugu.

Aaqqiissutissatut siunnersuut – suliatigut naliliineq

Immikkuualuttoq A-mi nutaanik marlunnik quleriilinnik inissiaqarfiusussamik sanaartortoqarsinnaassaaq. Sanaartukkat takisuutut sanileriaatulluunniit sananeqassapput.

Siunissami sanaartorneqartussat sanaartukkanut pioreersunut illuliortaatsimut naleqqussaalluni pissapput. Taamaattumik sanaartukkat annertussusiinik illullu saavinik ersarissisitsisunik immikkoortitigaanissaat pingaartuuvoq. Sumiiffimmi sanaartukkat sinnerinut ataqatigiisitsisoqarnera ersarissuuniassammat.

Sumiiffiup kujataatungaa sanaartorfusinnaanngilaq, nunallu ilusaa allanngortinneqassanani.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaraqarnek aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppernarsaatitallit

Pilersaarusioneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersoq aamma

Inatsisartut inatsisaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Siunnersuut tusarniaassutigineqassaaq.

Una Kommunimut pilersaarummut tapiliussaq 3C8-1 akuersissutigineqarneratigut Illoqarfiup iluani pilersaarut 3A7-2 immikkoortup ilaa taarserneqassaaq.

Aningaasaqarnermut Allatseqarfimmit oqaaseqaatit

Oqaaseqaateqanngilaq.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussaq tamanut tusarniaassutigineqassaaq. Tusarniaaneq Nuuk Ugeavisikkut kiisalu kommunip tusarniaassutininut nittartagaatigut nalunaarutigineqarput.

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Kommuniq pilersaarutaanut tapiliussamut siunnersuut 3C8-1 Qernertunnguit, Nuuk

Punkt 05D: Kommunimut pilersaarummut tapiliussaq 1C12-5 Aqutsisoqarfik (Nuuk Center), Nuuk

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliussamut siunnersuut 1C12-5 Aqutsisoqarfik, Nuuk

Kommunimut pilersaarummut tapiliusseq 1C12-5 Aqutsisoqarfik (Nuuk Center), Nuuk

Kommunimut pilersaarummut tapiliussamat siunnersuut

Aalajangiiffigisassaq

J.nr.: 16.03.01.01-P16-21-18

Sanarfinermut Avatangiisinullu Ingerlatsivik - Pisortaq Hans Henrik Winther Johannsen / HHWJ

Suliap eqikkarnera:

Kommunimut pilersaarummut tapiliussamat siunnersuutip siunertaraa Nuuk Centerip quleriinnik marlunnik allilerneqarsinnaanissaa, kiisalu inissialiornissaaq arfineq-marlunnik quleriilimmik.

Kommunimut pilersaarummut tapiliussamat siunnersuut Blok 1-imik ingutserinissamat periarfissaqalersitsivoq, taamaasilluni centerip allilerneqarnissaanut inissaqalissalluni, tassungalu atasussanik biilit uninngasarfissaannik.

Sanaartugaq immikkoortup isikkuanut pitsaassusaanut, soorlu illoqarfiup niuertarfiinnut allaffeqarfiinullu tulluarsagaassaaq. Najugaqarfiinullu eqqaaniittunut ataqatigiittumik sananeqassalluni, pingaartumillu Nuup illoqarfiata ineriartorneranut ilanngussissalluni.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussamat siunnersuut 1C12-5 Aqutsisoqarfik, Nuuk akuersissutigineqassasoq
- suliap tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunalbestyrelse pilersaarusiorneq pillugu inatsisissatut allannguut 2016-imeersoq naapertorlugu 2019-imi marsip ulluisa 12-ianni pilersaarusiamut Nuummi Centerip Allilerneqarnissaanut akuersissuteqarpoq. Pilersaarusiami naatsorsutigineqarpoq Blok 1 ingutserneqarnissaa, immikkoortumilu pioreersut Blok 1-ikup Nuuk Centerillu akornanni biiliniq uninngasarfimmik qulisamik sanasoqassasoq. Matumani kommunimut pilersaarummut tapiliusseq pilersaarutitut qinnuteqaat tunngavigalugu suliaavoq, suliallu piviusunngortinnissaanut inatsisitigut tunngavissiilluni.

Kommunimut pilersaarummut tapiliussatut siunnersuutip Nuuk Centerip pioreersup allilerneqarnissaa periarfissippaa, assigiinngitsunullu atorneqassalluni, soorlu pisiniarfiit, inissiat aamma suliffeqarfiit. Kommunimut pilersaarummut tapiliusseq atorlugu centeri quleriinnik marlunnik allilerneqarnissaanut periarfissaqarpoq, quleriinnilu arfineq-pingasuni inissiat.

Kommunimut pilersaarummut tapiliusseq atorlugu Nuuk Centerip Katuallu tunuaniittut angallaviit pioreersut allanngorujussuassapput, siunnersuut maliillugu H.J Rinksvej Kuussuullu akornisigut ingerlasoqarsinnaajunnaasagami. Nuuk Centerip allilerneqarnissaanut siunnersuummi angallannerit tamarmik siunissami H.J Rinksvejimiit pisassapput, nioqqutissanik eqqussuinerit biilinillu ingerlanerit avannaatungaaniit pisassapput. Kommunimut pilersaarummut tapiliussap

piumasaraa inuit pisuinnaat aqutissaanik isumannaatsumik kusanartumillu sanasoqarnissaa, centerip allilerneqarnerata kujataani kangiatalu sinaani.

Matumuuna illoqarfik pilerinartoq pilersinneqassaaq, kommunimullu pilersaarummut tapiliussap siunertaraa centerip allilerneqarnissaanut siunnersuummi suli allanik tamanillu orninneqarsinnaasunik centerip qaliani pilersitsisoqassasoq. Taamatullu Nuup illoqarfiani illoqarfiup iluani allatut pissusilimmik ilisaritsissaluni.

Aaqqiissutissatut siunnersuut – suliartigut naliliineq

Sanarfinermut Avatangiisinullu Ingerlatsiviup nalilerpaa siunnersuutip illoqarfimmut qanittunik inissianik pilerinartunik piumasoqalertoqarnissaanut akuersisoq. Peqatigitillugu illoqarfiup qeqqani pitsaasunik periarfissaqalissalluni atugassanik pisiniarfinnik sukisaarsartarfinnillu. Siunnersuut illoqarfiup qeqqani angallannermut ajornartorsiuteqartumut aaqqiinertalimmik ilasivoq, inuillu pisuinnaat aqutissaanik pitsaanagerusumik atugassaqartinneqalissallutik.

Ingerlatsiviup nalilerpaa siunnersuut atorlugu illoqarfiup pitsaasumik ineriartortinneqarnissaa Illuliortaatsikkut politikkimi akuerisat malillugit pissasoq, portusuunik inissialiortitsinermi sulerieseq atorlugu, Imaneq ilusilersuinermi najoqqutassaq minnerunngitsumillu kommunimut pilersaarut Sermersooq2028.

Aningaasatigut sulisoqarnikkullu naliliinerit

Nassuiaat namminermit aningaasatigut kinguneqartitsissanngilaq.

Inatsisitigut tunngavissaq allakkallu tunngaviusumik uppernarsaatitalit

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq

Inatsisartut inatsisissaat nr. 34 imm. 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarutissatut siunnersuut tamanut tusarniaassutigineqassaaq.

Tusarniaassummut akissuteqarnissamut killiliussaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu Ataatsimiititami aamma Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimi inaarutaasumik akuerineqartussanngorlugu taakkununga nassiunneqassaaq.

Inaarutaasumik pilersaarut tamanit pissarsiarineqarsinnaassaaq, kommunip nittartagaatigut www.sermersooq.gl

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaatissaqanngilaq

Innuttaasunik peqataatitsineq/attaveqaqatigiinneq

Siunnersuut tamanut tusarniaassutigineqassaaq, tamannalu Nuuk Ugeavisikkut kiisalu kommunip tusarniaanermut quppersagaatigut allagarsiissutigineqassaaq.

Suliaq tusarniaassutissatut sapaatit-akunnerini arfineq-pingasuni 2019-imi 12. juunimiit 24. juulimut tusarniaassutigineqareerpoq, Katuamilu Ikinngutigijt inersuaaraani paasissutissiinermit ataatsimiisitsissutigineqareerluni.

Ingerlatsivinnit allaniit oqaaseqaatigineqartut

Oqaaseqaateqanngilaq

Ilanngussat

1. Kommunit pilersaarummut tapiliussamut siunnersuut 1C12-5 Aqutsisoqarfik, Nuuk

Punkt 05E: Kommunitut pilersaarummut tapiliusseq 1C39-1, Søndshjemmet, Nuuk

Beslutning

Inassuteqaat akuersissutigineqarpoq.

Bilag

Tusarniaanermut akissutit suliaqarneq

Tusarniaanermi akissutit tiguneqartut

Kommunitut pilersaarummut tapiliusseq 1C39-1, Søndshjemmet, Nuuk

Kommunimut pilersaarummut tapiliusseq 1C39-1, Sømandshjemmet, Nuuk

Inaarutaasumik aalajangiineq

Aalajangiiffigisassaq

J.nr.: ANL-2019-00009

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliusseq naapertorlugu immikkoortup ilaani pioreersumi 1B1-imi nutaamik immikkoortup ilaanik, 1C39, atugassiisoqarpoq. Immikkoortup ilaa nutaaq C-tut qitiusumik atorneqarsinnaasutut atugassiissutigineqarpoq, tassani kikkunnilluunniit ornigarneqartartunik illoqarfiup qeqqani atuuffinnut tunngasut pilersinneqarsinnaallutik.

Taamaalilluni kommunimut pilersaarummut tapiliusseq Sømandshjemmet pioreersup allilerneqarnissaanut nutarterneqarnissaannullu periarfissiivoq. Sømandshjemmimut atasumik sanaartorfissanik nutaanik atugassiisoqarpoq, taakkulu nunaminertamik atuisinnaanermut akuersissuteqareersumit taamaallaat atorneqarsinnaassapput.

Ineqarfinnik nutaanik marlunnik, isumasioqatigiinnermut atatillugu inimik kiisalu pisortap inissaanik il.il. sanaartornissamik periarfissiisoqarpoq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliusseq, 1C39-1, Sømandshjemmet, Nuuk, akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Suliassamik saqqummiussineq

Kommunimut pilersaarummut tapiliusseq naapertorlugu immikkoortup ilaani pioreersumi 1B1-imi nutaamik immikkoortup ilaanik, 1C39, atugassiisoqarpoq. Immikkoortup ilaa nutaaq C-tut qitiusumik atorneqarsinnaasutut atugassiissutigineqarpoq, tassani kikkunnilluunniit ornigarneqartartunik illoqarfiup qeqqani atuuffinnut tunngasut pilersinneqarsinnaallutik.

Taamaalilluni kommunimut pilersaarut Sømandshjemmet pioreersup allilerneqarnissaanut nutarterneqarnissaannullu periarfissiivoq. Sømandshjemmimut atasumik sanaartorfissanik nutaanik atugassiisoqarpoq, taakkulu nunaminertamik atuisinnaanermut akuersissuteqareersumit taamaallaat atorneqarsinnaassapput.

Ineqarfinnik nutaanik marlunnik, isumasioqatigiinnermut atatillugu inimik kiisalu pisortap inissaanik il.il. sanaartornissamik periarfissiisoqarpoq.

Immikkoortoq sanaartorfissanut pingasunut immikkoortunut agguagaavoq, tassanilu assigiinngitsunik portussusilinnik sanaartortoqarnissaanut akuersissuteqartoqarsinnaavoq:

Sanaartorfissaq A-mi quleriit sisamat tikillugit atuuppoq

Sanaartorfissaq B-mi quleriit pingasut tikillugit atuuppoq

Sanaartorfissaq C-mi quleriit marluk tikillugit atuuppoq

Ini alleq quleriinni siullertut atuuttuaannarpoq.

Taamatut assigiinngisitsinikkut nunap ilusaa ersarinnerulissaaq, avatangiisinullu kusanartumik, assigiinngisitaartumillu ataqatigiissaartutut isikkoqalerluni.

Aaqqiissutissatut siunnersuut – suliatigut naliliineq

Kommunimut pilersaarummut tapiliussaq immikkoortup pitsaassussaata nalilerneqarnera, qaqqamut immamullu isikkivik, silamiittut pitsaasut silamilu uninngaartarfiit toqqammavigalugit suliarineqarpoq. Pilersaarummut tapilussap immikkoortup atorneqarsinnaananeranut tunngatillugu attaveqaatit, qaqqami immikkuullarissumik inissisimanera, kiisalu siunissami atorneqarnissaanut kissaataasut eqqarsaatigineqarput.

Taamaattumik ingerlatsiviup Illuliortaatsimut politikkimi naleqartitanut kommunimut pilersaarummut tapiliussaq naapertuuttoq nalilerpaa, immikkoortuni tulliuttuni:

Illuliortaatsimut politikki

- 1 Illuliortaaseq kinaassuseqalersitsisoq:**
Siunnersuummi sanaartornermut tunngasut kiisalu immikkoortup ilusaa eqqarsaatigineqassasoq oqaatigineqarpoq.

- 2 Illoqannginnersat illoqarfimmilu inuuneq:**
Illut uiguleriit akornatigut kujammut sammisumik oqquartamik pilersitsinikkut tamanut ammasumik isikkivigissumik illoqannginnersamik pilersitsisoqarsinnaavoq.

- 3 Piffissaq sumiiffillu:**
Siunnersuummi nuna pioreersoq ataqqineqarnissaa atorluarlugulu illuliortaatsimik soqutiginarumik pilersitsisoqarnissaa allassimavoq.

Nunarsuarmioqatigiinnut anguniakkat:



SDG 11.4:
Kulturikkut pinngortitamillu kingornussagut illersussavagut pioreersup Mågehusip qaqqajunnamilu pinngortitap ilusaa innimigalugit.



SDG 11.7:
Isumannaatsunik tamanit silami uninngaartarfiusinnaasumik pilersitsinermut tunniussaqaqataassaagut - tamanut ammasumik.



SDG 12.2:
Qaartiterinerup annikinnerpaaffianitinneratigut atorluaasoqarlunilu pinngortitami isumalluutit piujuartinniarlugit suliaqartoqassaaq.



SDG 15:
Pinngortitap pioreersup ataqqineratigut uumassusillit assigiinngisitaarnerat pinngortitamilu inuuneq qulakkeernissaanut tapersiisoqassaaq.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitallit

Pilersaarusionerit aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersoq aamma

Inatsisartut inatsisaat nr. 34, 9. december 2015-meersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliussap akuersissutigineqareernerata kingornatigut nunaminertamik inniminniisoqarsinnaanngussaaq pilersaarummut tapiliussami aalajangersakkat malillugit.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaatissaqanngilaq

Innuttaasunik peqataatitsineq/attaveqaqatigiinneq

Kommunimut pilersaarummut tapiliussaq sapaatip akunnerini arfineq-pingasuni tusarniaassutigineqarnikuvoq aammalu tusarniaassummut akissuteqaat marluk pissarsiarineqarput. Taamaattorli allannguinissamut pissutissaqartitsinngillat.

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 1C39-1, Sømandshjemmet, Nuuk

Punkt 05F: Nuummi pinnguartarfinnik pioreersunik ikkussueqqinneq

Beslutning

Innersuussut akuersissutigineqarpoq ataatsimik oqaaseqaatitaqarluni, tassa Siumumit kissaatigineqarpoq aserortisarneq pinaveersaartinniarlugu Nuummi pinnguartarfinnik amerlanernik pilersitsisoqaqqullugu.

Nuummi pinnguartarfinnik pioreersunik ikkussueqqinneq

Aalajangiiffigisassaq

J.nr.: 17.05.00

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Nuummi meeqqerivinnik atuarfimmillu nutaamik sanaartornermut atatillugu piffissami kingullermi pinnguartarfiit arlallit piiarneqarput. Sanaartugassanik suliassinneqartartut aallartereersimasut taakkuningga piaanissaannut kiisalu kommunip materialegårdianut inissinissaannut qinnuigineqarsimapput, taamaalilluni pinnguartarfiit allani napparneqaqqissinnaaniassammata.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- pinnguartarfiup aappaa Nuup Katersugaasiviata tunuani Nuutoqqami inissinneqassasoq. Tamatuma saniatigut trampolinit, maanna toqqorsivimmiitinneqartut, arlallit ikkussorneqassasut.
- trampolinit toqqorsivimmiittut Nuussuup Manngua sinerlugu pinnguartarfiit timersuutillu ilanngullugit inissinneqassasut.
- suliaq ilisimatitsissutitut Aningaasaqarnermut Inuussutissarsiornermullu Ataatsimiititamut ingerlateqqinneqassasoq

Suliassamik saqqummiussineq

Nuuk Playgroundimi arsaattarfik ivigaaraasalik pioreersoq ukiuni tulliuuttuni sanaartugassamik suliassinneqartartumit immikkoortumi atuarfiliortussamit sanaartorfittut atorneqassaaq, taamaattumillu atuarfittaap nutaap naammassinissaata tungaanut arsaattarfik innuttaasunit atorneqarsinnaassanngilaq.

Meeqqeriviliornermut atatillugu immikkoortuni pinnguartarfiit timersuutillu piaarneqassapput. Sanaartugassanik suliassinneqartartumik isumaqatigiissutigineqarpoq, atortut piaarneqassasut kommunillu materialegårdiani toqqorneqarlutik, taamaaliornikkut atortut illoqarfimmi allami napparneqarniassammata.

Aaqqiissutissatut siunnersuutit

Sanaartorfiit taakku marluk Nuummi illoqarfiup qeqqaniimmata meeqqanut inuusuttunullu silami sukisaarsaartarfiit ikilissapput. Sanarfinermut Avatangiisinillu Ingerlatsiviup kiisalu Peqqinneq Susasaqartitsinerlu pillugit Immikkoortortap silami atortut Nuummi sumiiffinni allani nappaqqinneqarnissai kissaatigaat, taamaalilluni piffissami qaninnermi Nuummi silami sukisaarsaartarfissatut periarfissat ikilisinneqassanngimmata.

Qapiarfusaami pinnguartarfinni atortut pioreersut trampolinillu toqqorsivimmiittut Nuup Katersugaasiviata tunuani inissinneqarsinnaapput, siunissami Nuutoqqami allamik sanaartornissamik aalajangiisoqarnissaata tungaanut.

Pinnguartarfiit timersuutillu sinneri ilaatigut Qapiarfiusaamiittut, trampolinit toqqorsivimmiittut ilanngullugit, illoqarfimmi Nuussuup Mannguani sammisassaqaartitsivimmut nutaamut atatillugu aqqut sinerlugu inissinneqarunik iluaqutaassaqaq.

Aningaasatigut naliliineq

Pinnguartarfinnik timersuutinillu ikkussuinermit aningaasat killiliussani maannakkut pioreersunit aningaasaliiffigineqarsinnaasut nalilerneqarpoq.

Ingerlariaqqinnissaq

Inassuteqaatit politikikkut akuerineqassappata, Sanarfinermut Avatangiisinullu Ingerlatsiviup suliassamik saqqummiussami matumani sumiiffinnut taakkartorneqartunut silami atortut nappaqqissavaat.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Siunnersuut Peqqinneq Susassaqaartitsinerlu pillugit Immikkoortortaq suleqatigalugu sularineqarpoq.

Oqaaseqaatigineqartut allat

Allamik oqaaseqaatitaqanngilaq.

Ilanngussat

Soqanngilaq.

Punkt 6: Taasariaqartut allat

Beslutning

Laura Taunâjik Uitsatikitseq (S): kissaatigaa tullissaanik ataatsimiinnermi Iserit kiffartuussineri pillugit oqaluuserinninnissaq. Taakkua saniatigut Kapisilinni illut inoqanngitsut pillugit apeqquteqartoqarpoq.

Justus Hansen (D) Tamalaat ataanni oqaluuserinnittoqarsinnaanngilaq aamma kaammattuutigineqarpoq apeqqutit aalajangersimasut il il pillugit borgmesterimut maili aqutigalugu nassiussisoqartaqqullugu.

Mala Høy Kuko (S): kissaatigaa Sanarfinermut Avatangiisinullu Ataatsimiititamut mailimik nassiussisoqartaqqullugu Tasiilami inuussuttunut inissianik sanaartornissamik suliniutip killifia paasiniarlugu.

Punkt 7: Lukket

Punkt 07A: Lukket

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal.14.45